



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01 ____/12

Datum: _____.2012. godine

PRIJEDLOG

Na osnovu člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Općine Tešanj na ____ sjednici održanoj ____ 2012. godina donosi

**ODLUKU
o nespojivosti funkcija**

Član 1.

Ovom odlukom propisuju se slučajevi nespojivosti funkcija koji mogu utjecati na rad javnih preduzeća i ustanova čiji je osnivač Općina Tešanj, mjesnih zajednica sa područja općine Tešanj, kao i unapređenje rada udruženja građana i fondacija.

Javna preduzeća i ustanove

Član 2.

Funkcija direktora javne ustanove ili preduzeća nije spojiva za kandidaturom na izborima ili imenovanjem na javnu funkciju na svim nivoima vlasti.

Direktor javne ustanove ili preduzeća dužan je da podnese ostavku danom potvrđivanja kandidature na izborima ili imenovanja na javnu funkciju na svim nivoima vlasti.

Ukoliko direktor javne ustanove ili preduzeća ne podnese ostavku u predviđenom roku upravni ili nadzorni odbor donijet će odluku o razrješenju direktora.

Direktor koji podnese ostavku na dužnost ili bude razriješen u javnoj ustanovi ili preduzeću nema pravo povratka na poziciju direktora.

Predstavnici mjesnih zajednica

Član 3.

Funkcija predsjednika savjeta ili skupštine mjesne zajednice nije spojiva sa kandidaturom na izborima ili imenovanjem na javnu funkciju na svim nivoima vlasti.

Predsjednik savjeta ili skupštine mjesne zajednice dužan je da podnese ostavku danom potvrđivanja kandidature na izborima ili imenovanja na javnu funkciju na svim nivoima vlasti.

Ukoliko predsjednik savjeta ili skupštine ne podnese ostavku u predviđenom roku ovlašćuje se Općinski načelnik da pokrene proceduru razrješenja.

Udruženja građana i fondacije

Član 4.

Ciljevi i djelatnost udruženja ili fondacije ne mogu uključivati angažiranje u predizbornoj kampanji političkih stranaka i kandidata, prikupljanje sredstava za političke stranke i njihove kandidate i finansiranje kandidata, odnosno političkih stranaka.

Ovlaštenim osobama u udruženjima i fondacijama preporučuje se da u slučaju kandidiranja na izborima ili imenovanja na javnu funkciju podnesu ostavku na ovlašteno mjesto u udruženju ili fondaciji.

Za vrijeme vršenja javne funkcije, izabrani zvaničnici i nosioci izvršne funkcije ne smiju vršiti dužnost ovlaštenih osoba u fondacijama i udruženjima koje se finansiraju iz budžeta bilo kojeg nivoa vlasti u iznosu većem od 10.000 KM godišnje, odnosno većem od 50.000 KM godišnje u fondacijama i udruženjima iz oblasti kulture i sporta.

Završne odredbe

Član 5.

Obavljanje funkcije direktora javne ustanove ili preduzeća, predsjednika savjeta ili skupštine mjesne zajednice nije spojiva sa obavljanjem funkcije predsjednika političke stranke ili člana upravnih tijela političke stranke na lokalnom općinskom nivou.

Ukoliko direktor javne ustanove ili preduzeća ne podnese ostavku u roku od sedam dana od nastanka nespojivosti funkcija upravni ili nadzorni odbor donijet će odluku o razrješenju direktora.

Član 6.

Javne ustanove, preduzeća i mjesne zajednice obavezni su uskladiti statute i druge akte koje uređuju njihov rad sa odredbama ove Odluke, i to najkasnije do 31.03.2013. godine.

Ukoliko direktor javne ustanove ili preduzeća, predsjednik savjeta ili skupštine mjesne zajednice obavlja funkciju koja je u suprotnosti sa ovom Odlukom dužan je podnijeti ostavku na mjesto, i to najkasnije do 31.03.2013. godine.

Ukoliko ne podnese ostavku u predviđenom roku iz stava 2. ovog člana, primjenjuju se odredbe o razrješenju koje su određene u članu 2. stav 3. i članu 3. stav 3. ove Odluke.

Član 7.

Ova odluka stupa na snagu osmog dana od dana objavljivanja u "Službenom glasniku Općine Tešanj".

PREDSJEDAVAJUĆI OV
Fuad Šišić, dipl.ing.maš.

OBRAZLOŽENJE

OSNOV ZA DONOŠENJE

- člana 14. Statuta Općine Tešanj ("Službeni glasnik Općine Tešanj" broj 11/07)

RAZLOZI ZA DONOŠENJE

Razlozi za donošenje ove Odluke je nepostojane preciznih odredbi koje regulišu ponašanje na određenim funkcijama koje su od javnog interesa za Općinu Tešanj.

Zakon o sukobu interesa u velikoj mjeri ne uređuje odnose na nivou lokalne samouprave. Odlukom se teži preduprijeti konfuzija u odnosima, izbjeći podređivanje ustanova i preduzeća, kao i mjesne samouprave izbornim ciljevima političkih subjekata i pojedinaca, spriječiti gomilanje javnih dužnosti, te odnose učiniti jasnim i nedvosmislenim. Ova Odluka se odnosi na sve političke stranke i institucije koje djeluju na području općine Tešanj.

Cilj donošenja ove Odluke je da se na jedan uređen način reguliše rad institucija od javnog interesa Općine Tešanj, u interesu daljeg razvoja demokratskog odnosa.

Dostavljeno:

1. Općinsko vijeće
2. Arhiva

OBRAĐIVAČ
Služba za društvene djelatnosti,
komunalne poslove i ekologiju

Azra Muslija, dipl. pravnik

PREDLAGAČ
OPĆINSKI NAČELNIK

Mr.sci. Suad Huskić, profesor

Broj: 02-02-1-3698/12

Datum: 13.12.2012. godine